

SCHOOL TIMING RESHEDULED

མངའ་ཕྱི་ཤེས་རིག་ལས་ལག་གི་འཁོར་ལོ་བཏང་ལེན་ན་ odd even ཐབས་ཚུལ་ལག་ལེན་གནང་བའི་གཏམ་ལོ་བསམ་སྒོ་ན་བཞག་སྟེ་སྐར་ཏྲག་ GMC ནང་ག་ཚུད་མཁན་གཉིས་ག་གཞུང་གི་དང་སྒྲུབ་གི་སློབ་ལྷན་ཅུ་གི་ཚུ་ཚོ་ན་འགྲུལ་བ་གནང་བཞག་ཡོད། Nov གི་ཚེས་ ༥ ལས་གཞུང་གི་སློབ་ལྷན་ཅུ་དྲོ་བའི་ཚུ་ཚོ་དང་བརྒྱུད་ལས་ཉེན་མེད་ཚུ་ཚོ་གཉིས་བརྟུངས་ཕྱི་སྐར་མ་ ༡༥ ཟང་སྟེ་འཛུམས་ཤང་ཨིན། དེ་ཟང་ double shift ན་སློབ་ཚན་གནང་བཞིན་ཡོད་པའི་གཞི་ཆེ་མཐོ་རིམ་སློབ་ལྷན་དང་ C.S Rai Arithing འབྲིང་རིམ་སློབ་ལྷན་དུས་ཚོད་ན་འགྲུལ་བ་མི་མཐོན་པོ་ཨིན། སྒྲུབ་གི་སློབ་ལྷན་ཅུ་རང་རང་སོ་སོའི་དུས་ཚོད་གི་དོན་བཞིན་དྲོ་བའི་ཚུ་ཚོ་དང་བརྒྱུད་ལས་ཉེན་མེད་ཚུ་ཚོ་ ༡༢ བརྟུངས་ཕྱི་སྐར་མ་ ༣༠ དང་ཚུ་ཚོ་གཉིས་བརྟུངས་ཕྱི་སྐར་མ་ ༣༠ ཟང་སྟེ་འཛུམས་ཤང་ཨིན།།

DG – MIB NEZ

ཁྱེད་ཀྱི་གཞུང་གི་གནས་ཚུལ་དང་ཁྱབ་སྒྲུབ་སྒོ་རྒྱུ་ཁང་གི་ནང་ཚུད་བྱང་ཤར་ས་གནས་གི་སྤྱི་ཁྱབ་པོ་སྤྱི་ཞབས་ K. Satish Nambudiripad འབྲས་ལྗོངས་གི་ཉེན་ ༥ གཟུང་སྐར་གི་དོན་ལས་ད་རིང་སྐར་ཏྲག་ན་བྱོན་པོ་གནང་བཞག་ཡོད། གཟུང་སྐར་གི་སྤྱི་ཞབས་ན་ཁོང་གི་དབྱེས་གཞུང་དང་མངའ་སྟེ་གཞུང་གི་Media ཚོར་པའི་ལས་འཛིན་ཅུ་དང་press club of Sikkim གི་འཐུས་མི་ཅུ་མཉམ་པུ་མཇུག་པོ་གནང་ཤང་དང་མཉམ་པུ་འབྲས་ལྗོངས་སློབ་ལྷན་ཆེན་པོ་mass communication ལས་ལག་གི་སློབ་ལྷན་ཅུ་ལོ་བཀའ་སློབ་ཡང་བྱོན་པོ་གནང་ཤང་ཨིན།།

TABLE TENNIS

ཐེངས་ ༢༩ པའི་མངའ་སྟེ་Table Tennis འགན་བསྐྱར་ ༢༠༢༤ འདེ་སྐར་ཏྲག་གི་དཔལ་འབྱོར་ཅེད་ཐང་ན་ད་རིང་ལས་འགོ་བཙུག་བཞག་ཡོད། འཕྲོད་བསྟེན་སྒོ་རྒྱུ་སྤྱི་ཞབས་ G.T Dhungel གི་འདེ་གི་འགོ་ཕྱི་གནང་པོ་སྤང། Sikkim Table Tennis ཚོར་པའི་ཐོག་ལས་བྱས་ཡོད་པའི་འགན་བསྐྱར་ན་མངའ་སྟེ་དང་མངའ་སྟེ་སྤང་ཁ་གི་བྱས་ཕྱི་ཐོམས་ཕྱི་བརྒྱ་ ༢ ཐམ་བ་ཅེས་དཔོན་ཅུ་གི་ཐུར་འགན་བཞེངས་པོ་གནང་ཤང་ཨིན། འགོ་ཕྱི་རྒྱབ་ལས་རང་གི་གསུང་ཤང་ན་སྒོ་རྒྱུ་སྤྱི་ཞབས་ Dhungel གི་གསུང་པོ་གནང་པོ་སྤང་ལེགས་གཟུང་དང་སྒོའི་འཕྲོད་བསྟེན་གི་དོན་ལས་གཞོན་པོ་ཅུ་ལོ་ཅེད་ན་ཐུར་ཐུར་བྱིན་ཤང་འདེ་ལེབ་ཕྱི་གལ་ཆེན་ཡོད། སྒོ་རྒྱུ་དང་འབྲས་ལྗོངས་Table Tennis ཚོར་པའི་དབུ་འཛིན་སྤྱི་ཞབས་ལྷོ་ལྷོ་ཚོང་གི་བར་ན་བཀའ་བཏོན་གི་ཅེད་མ་འགོ་ཕྱི་ལྷན་ཚོར་འདེ་གཞན་ལས་རིམ་གཙོ་པོ་ཨིན་པོ་སྤང། འདེའི་ཞོས་ན་Table Tennis བསྐྲུན་མས་དབང་ལྷན་གྲོང་པའི་དོན་ལས་དཀར་མོ་གཉིས་གི་སྤྱན་ལམ་ཡང་བཏབ་པོ་གནང་པོ་སྤང།།